



炭空恰輕便鐵枝路

輕便鐵枝路恰炭空是籬傍壁，壁傍籬，對烏趣趣的炭空內，運搬塗炭出來空口，閣揀去車頭邊的炭埕囤，嘛共廢塗拖去牌仔尾擲掉。鐵枝路頂來來去去的輕便車，就親像血管內底的紅血球全款，規工無閒頓頓。

載工人入去空內做穡，對外口運搬器材恰坑木仔入來空口園，若無輕便車咧起起落落，炭空就袂振袂動、無氣通喘。若有看著輕便車咧走出走入，就知影這搭的炭空猶咧做。有工課有餉通領，規家口仔食飽、穿燒就免煩惱。上好空的是頭家有塗炭通賣錢，喙仔笑哈哈。

塗炭藏仔山內，著愛用輕便鐵枝路和外口的炭埕相連。頭家會揀較平坦的山邊做路底鋪輕便鐵枝路。沿路定著有人開店仔，嘛有人就近倚家。塗炭若大出，頭家就較敢落本去掘炭，工人愈倩愈濟，店頭的生理就會鬧熱滾滾。規逝連到炭埕，毋但賣米、豬砵、餛仔店、剃頭間、麵擔仔逐項有，連茶店仔、暗間仔嘛有人做。啊若無炭空，無穡通做，就袂鋪輕便路。仔山邊遐揸貼的所在若甲無人出入，決定袂有人開店買賣，無人欲倚來討食。有炭空的庄頭，按日本時代起，攏是按呢咧變。有炭就有人，無炭走甲無半人，免用強的嘛免人姑情。

憶著塗炭裝起去「貨物仔」的車斗內的利便，頭家會共炭埕設仔車頭邊，才運去外庄賣掉。彼陣卡車少，嘛無打馬膠路通行，鋪輕便路倩人揀炭上省本，照逝算工錢。

翻頭的空車仔炭埕邊，就順繼載人客恰行李，是揀車工加額趁的私奇錢。平常時仔人較儉，無幾個會去坐輕便車，個就無外路仔通趁。過年時仔，炭坑歇過年，揀車工會趁這個流擺換載人客，新正年頭加減趁寡所費，總比仔厝裡掠蝨母相咬較有盤。

輕便車是單線的鐵枝路，回頭載人客的台車若仔半上路下拄著載炭的重車，對遠遠遐倚來，揀車工著愛隨停落來，叫人客先落車，才用雙手摸四角頭的圓柴箍，出力共車仔反出去路外。讓重車過了後，才閣反轉來原位，呼人客上車閣起行。

作者：藍春瑞

☆詞彙學習☆

【籬傍壁，壁傍籬】lí pŋg piah, piah pŋg lí：

籬笆跟牆壁是相輔相成的。意指互相依靠，也用來表示人與人之間互相依賴。

【牌仔尾】pâi-á-bué：坑口軌道支線的盡頭。

【坑木仔】khenn-bók-á：礦坑中用做支柱的木頭。本文指支撐坑道的相思木。

【餉】hiàng：此指薪資。

【路底】lōo-té：路基。

【茶店仔】tê-tiàm-á：茶館、茶室。

【暗間仔】àm-king-á：私娼寮、妓院。

【討食】thó-tsiáh：賺錢謀生。

【姑情】koo-tsiānn：懇求、情商、央求。

【憶著】it-tiòh：念及；圖……。

【貨物仔】huè-bùt-á：散裝運貨列車。

【私奇錢】sai-khia-tsinn：私房錢。

【外路仔】guā-lōo-á：外快。

【有盤】ū-puānn：有賺頭。

【半上路下】puānn-tsiūnn-lōo-ē：半途。